



POLITIKKIT

INIP INUIAQATIGIINNI AKISUSSAAQATAANERMIGUT POLITIKKIA

INIp inuiaqatigiinni akisussaaqataanermigut politikiani ilaapput siammasissuseqarnissaq, siunnerfilersugaalluartumik politikkeqarnissaq aamma tapiissuteqarnernut politikkeqarnissaq. Inuiaqatigiinni akisussaaqataansinni qanoq periuseqqarluta sulinitinnik ersersitsinissaq. Suliniutiutitsinni aaliangersimavugut suliniutigut FN-ip nunarsuaq tamakkerlugu anguniagassatut aaliangiussaanut sanilliussortarniarlugit (Sustainable Development Goals)/(Piujaannartitsineq tunngavigalugu ineriartortitsinissami anguniakkat).

Uagut pingaarnertut ingerlatagut – inissianik aqutsinerit, sanaartornerit aamma inissianik sullissinerit – suliatut inuiaqatigiinnut tapersiissutitut isigivagut. Nalilersimavarput INI suliffeqarfimmut inuiaqatigiinnullu, sumiiffigisani inuiaqatigiinnut, avatangiiserisanut pisiniartarnermi ileqqorissaarnermillu qitiutitsilluni piguni, inuiaqatigiinnut annerpaamik nalilimmik tunniussisinnaassalluni. Suliffeqarfinnik allanik peqateqarluta ingerlatsigutta tamanna nukittuffiginerussallugu isumaqarpugut. Taamaattumik CSR Greenlandimi aammalu Transparency International Greenlandimi ilaasortaavugut.

Upperaarput sulisut pisortallu akornanni siammasissuseqarutta pitsaanerpaamik angusaqarsinnaalluta. Taamatut isumaqarpugut, upperigatsigu suliffeqarfik siammasissuseqartoq sulisussarsiornermini sulisuminillu tigumminiinnarsinnaanermi periarfissaqarluarnerpaassasoq.

INImit upperilluinnarparput, siammasissuseqarnerup suliffeqarfiup attartortunut attaveqarnera pitsaanerulersissagaa. Attartortuusummi INImi sulisuusut ilisarisinnaasamittut misigisaqarfigigunikkut killormullu aamma ingerlasumik, taava INIp suliassani oqinnerusumik naammassisinnaagai sullivittullu pitsaasumik sullissinissamik kissaatini isumagisinnaanerusagai.

INUIAQATIGIIT



Uagut tungitsinnit innuuttaasunut akisussaassuseqarneq isigaarput tassaasutut, inissianik aqutsinermi inissianillu isumaginninnermi piffissamik allatullu atuilluarluni sulilluarnertut, taamatut iliornikkut isumannarumallugu Kalaallit Nunaanni inuusut tamarmiusut pitsaanagerusunik najugaqalersinnaanissaat. Inissianik attartortuusut najugarisaminni naammagisimaarinnillutillu naleqartumik inuunissaat isumannaarumallugit ikorfartorpagut. Angorusoqaarpullu najugarisaminnut atatillugu oqartussaaqataalersinnaanissaat – angerlarsimaffiit iluini qanigisamilu avatangiisiusunut atatillugu, tak. anguniakkani 11.

INImi maluginiarparput, naammaginartumik inuunermi tunngavissaqarnissaq inuttut pisinnaatitaaffiummat, taamattumillu pimoorussilluta sulivugut attartortuusut akiligassaminnik kinguaattooruteqalernermikkut anisitaasinnaanissaat pitsaaliorniarlugu.

Suliatsinni pingaartitatut aamma ilaatipparput, inissianik aqutsinermi ingerlaavartumik najugaqartunut aningaasaqarnikkut ajornartorsiortunut aaqqiissutissanik ugartueqataasarneq, najugaqartunullu ataasiakkaanut najugarisap eqqaani sunniuteqaqataasinnaanermut periarfissarsiuussineq, tak. anguniakkani 16.

Akiligassanik kingiaattoornernut aaqqiissutissarsiornermi oqallinnerni peqataanissarput akisussaaffittut isigaarput aamma ikorfartorumallugu najugaqartut tamat oqartussaaqataanerannik misigitinneqarnissaat. Kisimiillutali inuiaqatigiinni inuit ajornartorsiutaat aaqqissinaangilagut, kisianni kommuninut Namminersorlutillu Oqartussanut suleqatissatut tutsuiginartut

KALAALLIT NUNAANNI INISSIANIK AQUTSISUT ANNERSAAT

INI piginneqatigiiffiuvoq Namminersorlutik Oqartussat pigisaat, siunertarineqartoq aqutsinissamik, isumaginninnissamik, iniassianillu iluarsartuussisarnissamik nunarput tamakkerlugu inissiat 8.700-it missaannik amerlatigisunik. Inissiat Namminersorlutik Oqartussanit, Kommune Kujallermi-, Qeqqatamit-, Avannaanit Qeqertalimmillu pigineqarput. Piginnittutullu akisussaaffigivaat nutarterisarnissat piiaatitsisarnissallu, INI-Ilu isumagisarivai aqutsineq /allaffissorneq, PPV aammalu inissianik isumaginnittarneq

Inissiat akii katitigaapput tiguisut assigiinngitsunut agguataagaallutik:

21% miss.

Aningaasat pissarsissutaanerit
>inissiamik piginnittoq

69 % miss.

Ingerlatsineq -> Najugaqarfiit
immikkoortortaanut

10% miss.

Allaffissorneq -> INI

immitsinnut neqeroorutigisinnaavugut, ilaatigut suleqataaffigalugit Kalaallit Nunaanni inuttut ajornartorsiutit aaqqinniarlugit suliniuteqarnerit, tak., anguniakkani 17.

Periuseriniakkatsinni makku assersuutitut taasinnaavagut:

- Soqutigisaqatigisagut qanimut suleqatigalugit akiligassanut kinguaattoorutitut atatillugu aaqqiissutaasinnaasunik ujartuivugut aamma inuiaqatigiinni aningaasaqarnikkut siunnersuisarnermut atatillugu suliaqarnermi qitiusumik peqataalluta.
- Eqqumaffigaarput najugaqartut oqartusaaqataatinneqalernissaat ineriartortinneqarsinnaammat nutaanillu eqqarsarnissamut soqutiginnilluta, ineriartortikkumallugu najugaqartut sumiiffigisami qanittuani akisussaasuunissaat, tamannalu anguniarsarivarput ilaatigut meeqqat oqartusaaqataanerisa inerisaavigineratigut.

AVATANGIISIT



Salliulluta peqataaffigerusupparput pinngortitatta avatangiisittalu paarilluarnissaat angujumallugu isiginnittaatsinik tunngavissiiinissaq. Saniatigullu attartortuusut innaallagissamik, imermik kiassarnermillu isumatunerusumik atuinissaannik sunniiniarluni paasititsiniaaneq.

Attartortunut assigiinngitsutigut attaveqartarnerit aqutigalugit, ilisimatitsissutigineqarpoq tamanut iluaqutaassammat avatangiisinut ataatsimoorluni periuseqarnermi. Attartortunullu aamma maluginiaqquneqarpoq avatangiisit mianeralugit eqqakkanik avissaartiterisoqartassammat. INI-lu aamma peqataajumavoq avatangiisit pillugit isiginnittaatsinik qaammarsaaniarnermi, tak. anguniagaq 12. Taamatut suliniuteqarneq pitsaasuullunilu atuisunut sipaaruteqartitsivoq, tak. anguniagaq 7.

Attartortunut digitaliusumik aaqqinissamik neqerooruteqarnikkut aamma piffissaq ungasinnerusoq isigalugu pappialarsornerup annikillissarnissaa naatsorsuutigineqarpoq.

Periuseqaniarnermut atatillugu makku assersuutigisinnaavagut:

- Sisimiuni eqqakkat igalaaminiusut immikkoortillugit eqqarnissaannut containerinik inissiineq aamma Nuummi, Manitsumi, Sisimiuni Ilulissanilu "miljøhuse"-nik nappaanerit.
- Innaallagissamik, imermik kiassarnermillu sipaarniarnissaq pillugu attaveqatissarsiorluni paasititsiniaanerit ingerlanneqarput.
- Saliineq, Inissiaateqarfiit qanigisaanni immikkortortaqaarfinni siulersuisut, minnerunngitsumillu attartortut, suleqatigalugit ingerlanneqarput.
- Eboksikkut attartortunut allakkanik nassiussineq. Digitaalikkut atsiorneq ass. makkununga: Attartornermik isumaqatigiissutit, akilersuineramik aaqqiussuussinerit il. il. Taamaaliornikkut pappiaqqanik atuineramik annikillisaavugut.

NIUERNIARNERMI ILEQQORISSAARNEQ PEQQUSERLULLUNILU ILUANAARNIARNERUP AKIORNIARNERA



Eqqumaffigaarput sullississutininik nioqqutissanillu pisiniarnerni akisussaaffeqaratta. Minnerunngitsumik nunatsinni ingerlatsineq eqqarsaatigalugu, ajornanngikkaangat aningaasaqarnermullu oqimaaqutaanani, taava kissaatiginerpaasarparput kalaallit pilersorneqarnissarput. Taamatut iliornikkut sullississutininik nioqqutissanillu pisisarnigut Kalaallit Nunaanni alliaartornissamut suliffissaqartitsiniarnermullu iluaqutinngortinniartarpagut, tak. anguniagaq 12. Taamaaliornitsinnili killormut uagut piumasarisarparput pilersuisutta ileqqorissaarnernik tunngaveqartumik pilersuinissaat, ass. pisortanut akiitsoqaqqusaanngillat.

INlp aamma akisussaaffigaa peqquserlulluni iluanaarniarsinnaanernik akiuiniarnissaq. Taamaattumik pasinapiluttoqarneranik kalerriisoqarsinnaatitsisumik aaqqissuussamik pilersitsisimavugut suliffeqarfiup iluani avataanilu. Pissutsit ilungersunartut kalerriissutigineqarsinnaasut makkuusinnaapput:

- Aningaasatigut peqquserlunnerit, ilaatigut akiliilluni peqquserlutsitsineq, akilersilluni peqquserlunneq, peqquserlunneq, allakkanik eqqunngitsumik suliaqarneq assigisaallu
- Suliffeqarfiup iluani avataanilu kukkunersiunermut tunngasutigut nalorninarsaaneq
- Avatangiisinik mingutsitsinerit
- Sulinermit avatangiisinik unioqqutitsinerit ilungersunartut
- Pissutsit ilungersunartut sulisumut tunngasut, ilaatigut nakuuserneq, kinguaassiuutitigut kanngutsaatsuliornerit innarliinerillu

Tamatuma saniatigut ilisimavarput inissianik tunniussinerni tamatigut malittarisassanut naapertuuttumik aqutsillutalu ingerlatsisarnissarput. Taamaattumik suni tamani suloriusigut assigiilluinnartuupput, inissanilu utaqqisuni inissisimaneq malilluinnarlugu erseqqissumik tulleriaaraluta tunniussuisarluta. Taamatut aamma ingerlanneqartarput akiligassanik akiliinerit ingerlatsinerlu akimut ersittumik ingerlanneqartarluni, suliffeqarfiullu iluani avataanullu akiliinerit pitinnagit inuit akuerseqatigiittussat arlaqartut aqqusaarneqartarput ingerlanneqarlutik Transparency International Greenlandimi ilaasortaanitsinnut naapertuuttumik, tak. anguniaq 16.

Periuseqarnitsinni makku assersuutitut saqqummiussinnaavagut:

- Pasinapiluttoqarneranik kalerriisoqarsinnaatitsineq pisiortorfiit suliffeqarfiup iluaniittut taamatullu avataaniittut saaffigisinnaasaat
- Soqutigisanut attuumassuteqarsinnaanerit annikillisinniarlugit inissianik tunniussisarneq sapinngisamik ingerlaannartussanngortinneqarpoq
- Teknikkimut tunngasutigut suliassat pisataanik pilersuisugut uppersaaseeqquneqartarput pisortanut akiitsoqannginnerminnik inuiaqatiigiinnilu akisussaaffimmik tiguseqataanerminnik, ass. ilinniartussanik tiguisinnaanissamik qulakkeerinninnikkut.
- Rekvisitionit atorneqartillugit kingusinnerusukkullu akuersinerni inuit arlaqartut akuliunneqartussaapput, taamatut iliornikkut isumannaarumallugu inuit ataasiakkaat kisimiillutik akisussaaffimmik tigumminnginnissaat.
- INI-p Fraud Risk Management atuutilersissimavaa, tassani peqquserlunnissamut pinaveersaartitseriaatsit allaaserineqarput, isumannaallisaanerup pitsaassusaanik takutitsisumik.

SULISUNUT TUNNGASUT SIAMMASISSUSERLU

Sulisugut immikkut pisussaaffeqarfigaagut. Pingaartitagut tunngavigalugit, suliffimmik kajungernartumik pilersitsinikkut, upperaarput sulisutta ersersinnassagaat, taamallu ilionnikkut sullissinissamik tunngavissarput, tamannalu INIp Kalaallit Nunaanni inissianik sanaartortitsinernillu aqutsisutut kajungerineqarnerpaanngortinnissaanut aaliangiisuussaaq. Eqqumaffigaarput, inuuneq tamaat ilinniarfigisussaagatsigu, taamaammallu INImit piginnaanngorsaaneq pingaartilluinnagaraarput.

INI ilinniartitaanermut atatillugu inuiaqatigiinni akisussaaqataavortaaq. Taamaattumik ilinniartinnik ilinniartussanillu pilersitsilluni inissiisarnissaaq kiisalu meeqqanut inuusuttuaqqanullu piginnaanngorsaaneermi ineriartortitsinikkut suliniutit ilutsinni nammassallugit piareersimaffigaagut, tak. anguniagaq 4. Aammattaaq isumaqarpugut, kikkut tamarmik periarfissaqartinneqassasut taamaattumillu piginnaanngorsaqqinnermik ingerlatsinissamut inissaqartitsisarpugut.

Inissianik aqutsissussisutut akisussaasutut suliassanik naammassinnissinnaasunik sulisussaaqarnissarput pingaartipparput, tamaattumillu ukiup ingerlanerani sulisut suliffimmi ineriartornissamut tunngatillugu oqaloqatigisarpagut.

Sulisugut kaammattorpagut timikkut tarnikkullu peqqissumik inooqqullugit. Taamaattumillu maluginiarparput, sulinermi angusaqarniarneq ilaqutaariinnerlu imminnut ataqatigiissammata.

Periuseriniakkatut makku assersuutitut taajumavagut:

- Meeqqat Oqartussaaqataanerat pillugu suliniut atuarfiillu pillugit suliniut Qaqisa peqataaffigaagut
- Ukiut tamaasa sulisutta suliffimminnut atatillugu qanoq isumaqarnerat uuttortartarparput, kingorna aqqissuinnissaaq siunertaralugu malersoqqittakkatsinnik.
- Eqqumaffigaagut sulinngitsoortarnerit, taamatut naammaginangitsumik ingerlalersinnaaneq siusissukkut iliuuseqarfigisinnaajumallugu.
- Sungiusarlutik suliffeqarfimmiittussat, ilinniartoqarnissaaq aammalu nalilersueqqilluni suliassat piareersimaffigaagut.
- Sulisuni ataasiakkaani ilinniarnissamut pisariaqartitat misissorlugillu ilinniaqqinnissaannik tapersersortarpagut.

SULIFFEQAR-FIMMIK AQUTSIL-LUARNISSA-MUT MALITTARI-SASSAT

Naalakkersuisut isumaqarput, siammasissuseqarneq/ akaarinninneq namminersorlutik oqartussat piginneqatigiiffiutaannut nukissaasut. Taamaattumillu Naalakkersuisut pingaartippaat, pisortaqaarni assigiinngitsunik misilittagaqartoqarnissaa , taamak ililluni pitsanerpaamik pisortat tamatigoorlutillu nassaarsiullaqqissuseqarnissaat angujumallugu.

Siulersuisut siammasissusermut anguniagassanik ersarissunik tunngaviliisarput aammlu aqutsisut anguniakkanik angusanillu ilisimatittarlugit

SIAMMASISSUSEQARNEQ

INIp aallaavigai inuit. Sulisorisat pisortaasullu pitsaasumik sullissisinnaanissamut piginnaaneqarlutillu piumassuseqarneri aaliangiisuusarput, qanoq INI inuiaqatigiinnut pitsaasumik isumannaatsumillu najugaqartitsisinnaassanersoq qanorlu kissaataannik piumasaqaataannillu naammassinnissinnaassaneranut.

INImi siammasissuseqarnermik taaguut atorineqarpoq takutillugu sulisut akuersaarneqarmata, "peqqutigalugumik" "imaakkaluartumillu" oqarnani, assigiinngisitaartuusulli aamma inuit piginnaatitaaffiisa tungaannit isigineqarnerat tunngavigalugu. Taamaattumik aallaaviuvoq sulisuusut ataasiakkaat tunniussisinnaassusaannik isiginninneq aamma siunertarineqarluni suliffimmi kikkut tamarmik ineriartorsinnaanissaannik periarfissiinissaq. Taamaattumik tamanut assigiimmik periarfissiisoqassaaq.

TAMANUT SIAMMASISSUSEQARNEQ

Sulisunut tamanut atuutsitaasumik siammasissuseqarneq nukittorsarumallugu, sulisunut politikkitsinni makku ujartortarpagut:

- Angussallugu suliffiusumi inussiarnersumik tikilluaqquserpalaartumillu pissuseqarnissaq, ilaatigut INI pillugu allaatiginninnermi suaassutsimut tunngatillugu pigiliutiinnakkanik isummanik suaassutsimullu tunngatillugu marluinnarnik isumaqartitsisoqannginnissaanik qulakkeerinninnikkut.
- Inuit suliffeqarfimmut assigiinngitsunik tunuliaqutaqartut kajungertilernissaat, naligiimmik nalilersuinikkut, sulisussarsiornermilu suaassuseq, ukiut inuiaassutsikkullu qanoq ittuussuseq ilaatinngit nalilersuinikkut imaluunniit atorfinitsitsinermut ataatsimiititaliat aqutigalugit.
- Sulinerup angerlarsimaffiullu akornanni sapinngisamik oqimaaqatigiissaarinerimik pilersitsiniarnissaq

ARNAT AQUTSISUNI

Pisortani gruppini aqutsisuni suaassutsikkut oqimaaqatigiissitsinissaq INI-p anguniagaraa. Tassa imaappoq, INIp atorfiit inuttalersornerini eqqumaffigisarpai, suaassutsikkut ikinnerusuteqartut inissisimanermikkut nukittorsarnissaat siunissamilu atorfiniminni qullarnissaannik qulakkeerinnittussamik piginnaanngorsaaneq, tak. anguniakkani 5. Siunertaavorlu arnat angutillu amerlassutsimikkut oqimaaqatigiissumik – tassa 50/50-imik – oqimaaqatigiissagaalernissaat.

Tamatumunnga atatillugu eqqumaffigilluinnarparput, suliffiit angerlarsimaffiullu imartussutsikkut nalimmassarneqarnissaat.

SUMIIFFIMMIK AALLAAVEQARNISSAQ

INImut pingaaruteqaqaaq, inissianik attartortuusut INImi sulisunik tarrarsorfeqarnissaat. Aamma INImut pingaruteqarlunnarpoq inissianik attartortuusut oqaatsit atugaat tunngavigalugit sullissisarnissaq. Taamaattumik siuarsarumavarput sulisut sumiiffiusumeersuunissaat aammalu kalaallit qalunaallu oqaasiinik atuisinnaasuunissaat.

NALUNAARUTEQARTARNEQ

INI ukiumut nalunaarummini ingerlatsinini anguniakkanilu nassuiaasisarniarpai:

- Aqutsisut akornanni arnat angutillu oqimaaqatigiinnissaat (pisortat immikkoortorta qarfinnilu aqutsisut iluini)
- Sulisut sumiiffimmeersuunissaannik kisitsisitalineq
- Sulisut kalaallisut oqaluttuusut



INI-P

SOQUTIGISAQAQATIGIINNERMUT POLITIKKIA

INIp pingaarnarpaatut soqutigisaqaqatigisai tassaapput piginnittorisaaq, inissianik piginnittuusut, attartortuusut, pilersuisuusut aamma niuernermi attaveqarfigisat, sulisorisat, oqartussaaffeqarfiit, soqutigisaqaqatigiittut suliniaqatigiiffiit, inuiaqatigiit tusagassiutillu. Isumaqaarpugut, soqutigisaqaqatigisatta mianerinittumik pinerisigut uagut inuiaqatigiillu unammiuagassagut akuliutsitsinikkut aaqqiissutissagut angusagullu pitsaanerullutillu iluatsilluarnerusumik ingerlanneqarsinnaassasut.

PIGINNITTORISARPOT

Tamaviaarluta anguniagaraarput attartortutta soqutigisaannik isumaginninnissaq, taamatullu iliorpugut taakku innersuussutaasa malinnerisigut aamma suliffeqarfigimik pitsaasumik aqutsinissamut malittarisassat malinnerisigut. Paasissutissat soqutiginaateqartut piginnittumut erseqqissumik, piffissaatillugu pitsaasumillu nalunaarutigineqartarput.

INISSIANIK PIGINNITTUT ALLALLU PILERSUISARTUT

Anguniagaraarput inissianik piginnittut pitsaasumik sullinneqarnissaat aamma anguniagaralugu saaffiginnissutit utertitsissutit/qisuariaatit maalaarutillu sukkasuumik sullissilluarsinnaanissamut aqqummi sutut naleqartutut isigalugit sukkasuumik sulariniartarnissaat.

Anguniagaraarput pilersuisutsinnut suleqatigisatsinnullu pitsaasumik iluaqutaasumillu attaveqarnissaq. Tatiginartoorusuppugut suleqatitullu soqutiginnilluartutut inissisimarusulluta.

ATTARTORTUT

Inissianik attartortuusut sullinneqarluarnermik misigitinneqassapput, kissaatigaarpullu inissianik aqutsisoqarfittut kajungernartutut isigineqarnissarput.

Attartortugut uagutsinnut saaffiginnikkaangamik ilumoortumik erseqqissumillu akineqartassapput, anguniagaraarpullu attartortut imminnut attuumassuteqartuni ilisimatitsissuteqarfigineqartarnissaat.

SULISUT

Inuit pikkorissut sulisuunissamut kajumissuseqartikkusuppugut, ineriartortikkumallugit tigumminnarusullugillu. Tamakkulu anguniarniarpagut naleqartutut isigisatsinnik siammasissuseqartumillu ingerlatsinitsigut. Ataqqivarput sulisutta assigiinngisitaartuunerat immitsinnullu pisussaaffiliullugu sulisutta naapertuilluartumik assigiimmillu pisarnissaat.

Sulisugut ingerlalluarnissamut sakkussaraagut pingaarnerpaat, taamaattumillu isumannaa-rusupparput, sulisutta ilisimassagaat, INIp periuseriniagaasa anguneqarnissaannut qanoq tunniussaqaqataasinnaanerlutik.

SULEQATIGIIFFIIT SOQUTIGISAQAQATIGIIT INUIAQATIGIILLU

Inuiaqatigiinnut avatangiiserisatsinnut pitsaasumik attaveqarnerit tigummivagut, peqataatitsinerit ammasumillu attaveqaqatigiinnerit aqqutigalugit. Kimeqarnerpaamik sunniuteqarniarnitsinni ugartortarpagut soqutigisaqaqatigisat, soqutigisatigut ataatsimoorfeqarfigisat tamakkulu aallaavigalugit suleqatigiinnerput ingerlattarlugu.

TUSAGASSIUTIT

Naalaartuuvugut tusagassiutinillu saaffiginnissutit sukkasuumik qisuariaateqarfigisarlugit. Ugartugarivarput tusagassiutitut ammasumik siunnerfilersugaalluatumillu attaveqarnissarput tamaviaarutigalugu, akisussaaffeqarfigisatta iluini erseqqissunik nalunaaruteqartarnissarput.

INI-P TUNULIAQUTSIILLUNI TAPERSIINISSAMUT POLITIKKIA

Tunuliaqutsiilluta tapersiisarnert inuiaqatigiinni akisussaaqataanitsinnut tunngatinngilagut aamma aningaasaliisarnert killilersorlugillu sukangasuumik aqutarisarlugit, ataqqillugu aningaasat tunngavigisagut inissianik attartortuneersuummata. Kisiannili aamma ilisimaarivarput, aningaasaliinigt, sumiiffinni inuiaqatigiinnik akuliussinerusartut. INImummi pingaartuuvoq, tamanit takuneqarsinnaassasoq kikkut uatsinnit taparserneqartartut, taamaattumillu INIp nammineq aaliangersinnavaa, aningaasaliisoqartillugu qinnuteqarsimasup kinaanera, aningaasaliissutit annertussusaat aammalu suna ingerlanniarneqartoq tapiiffigineqarsimansoq avammut nalunaarutiginiarnarlugit.

Ikorsiinert tapiissuteqarnerillu salliutittarpagut ingerlanniarneqartut meeqqat atugarissaarnissaannut tunngasut, tamatumalu saniatigt INI-p sallerpaatillugit suliarisaanut attuumassuteqartut – tassa inissianik aqutsinermut, inissianik isumaginninernut, najugaqarfiusut avatangiisaannut pitsaasumik sunniuteqartussanut ingerlanniarneqartunut tapiissuteqartarluta. Nalinginnaasumik tunniussaqaqarnerit tigussaasumik aningasaaneq ajorput aningaasanilli naleqartarlutik, tassa sulisut ikiuussinnaanerinik tunniussinerusaramik, isersinnaanermut ammaassissutaasarlutik, ikiuinerusarlutik imal. ilisimasanik tunniussinerusarlutik. Qaqutigut immikkoorluinnartumillu ittumik tigussaasunik aningaasanik tunniussinerit pisarput.

INImit makku taparserneqarneq ajorput:

- Politikikkut partiit peqatigiiffiilluunnit
- Inuit ataasiakkaat
- Ilinniarnermut atatillugu aningaasaliinert imal. angalanissanut aningaasaliinert
- Inuussutissarsiornermut atatillugu ingerlanniakkat

Qinnuteqartup erseqqissumik qinnuteqarnermi nassuiaasissavaa sooq taamak annertutigisumik qinnuteqarnerluni. Tapiissuteqarnermi sivilisinerusumik ingerlasussami allaganngorlugu isumaqatigiissusiortoqassaaq, INIp qanoq tunniussaqaqarnissaanik ersersitsisumik aamma allanneqassalluni tapiiffigineqartup pisumi pisussaaffeqarnissaa.

NALUNAARUSIORNEQ

INIp inuiaqatigiinni akisussaaqataanerminut politikkia, siammasissuseqarnissamut, tapiissuteqarnissamut soqutigisaqaqataaffigisanullu tunngasut siulersuisunit ulloq 9. oktober 2023 akuersissutigineqarput. INI-lu nassuiaateqassaaq siammasissuseqarnissamut, soqutigisaqaqataaffigisaminullu politikkini pillugit aamma INIp ukiumut naatsorsuutitut atatillugu nassuiaasiaani saqqummiunneqassapput inuiaqatigiinni akisussaaqataanermut, ingerlanneqartunut angusanullu atatillugu politikkerisat.